



Inatsisartuni ilaasortaq Jens Napätök
Partii Naleraq

**Upernavimmi eqqaanilu angallannermi pissutsit pillut § 37 naapertorlugu
apeqquteqaammut 2018-105-imut akissut**

14-06-2018
Suliaq normu: 2018-12327
Allakkiaq normu: 30795186

Asasara Jens Napätök

Inatsisartut suleriaasianni § 37 naapertorlugu apeqquteqaatinut nassiussannut qjanaq.
Apeqqutit matuma kinguliani ataasiakkaarlugit allanneqarput, akissutinillu
malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1. Siunissaq qaninnerusoq aammalu siunissaq ungasinnerusoq
eqqarsaatigalugu Upernavimmiit nunaqarfiinut aammalu nunaqarfiit akornanni
silaannakkut imaatigullu ilaasunik angallassinermi pitsanngorsaansam
pilersaaruteqartoqarpa?**

Akissut:

Upernavimmut nunaqarfiinullu ilaasunik angallassineq Air Greenlandimit
kiffartuussinermut isumaqatigiissut aqutigalugu isumagineqarpoq.

Naalakkersuisut kiffartuussinermut isumaqatigiissut angallannikkullu pisariaqartitat
sullissisoq suleqatigalugu ingerlaavartumik naliliiffigisarpaat, pitsannguiffiusinnaasut
sullissinermullu tamarmiusumut pitsanngorsaataasinnaasut paasiniallugit.

**Apeqqut 2. Umiarsuaq sinersortaat ussassaarutigut kitaa tamaat angallvigalugu
ussassaarutigisartagaat aallaavigalugu Ilulissanuinaq killittarmat, Upernavimmut
aasaanerani ilaasortaatip angallassisalernissaanut Naalakkersuisut
pilersaaruteqarpat?**

Akissut:

2016-2020-mi sinersorluni ilaasunik angallassinermut kiffartuussinermut
isumaqatigiissummi atuuttumi sapaatit akunnikkaartumik Qaqortup Ilulissallu akornanni
imaatigut angallassinerep ingerlatiinnarneqarnissaa isumaqatigiissutaavoq.
Isumaqatiginninniarnikkut imaatigut angallassinissamut pilersaarummut umiarsualiviit
amerlanerusut tikinneqartarnissaat misilinneqarsimagaluarpoq. Imaatigut
angallassinermut pilersaarut tamakkiisumik naammareermat, umiarsualivinnik nutaanik
ilangussisoqassagaluarpat umiarsualiviit maanna tikinneqartartut ilaat

piarneqartariaqassasut imaluunniit tikittarfiit allannguiffigineqartariaqassasut
paasinarsisimavoq.

Piffissami qanittumi Arctic Umiaq Line ataatsimeeqatigisussaavara, tassani imaatigut
angallassinermi pilersaarut qanoq allannguuteqarfigineqarsinnaanersoq
eqqartussallutigu.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Simon Simonsen